

۸ ربیع الآخر سنہ ۱۳۳۶

سال

۲۲ کانون ثانی سنہ ۱۳۳۶

صاحب امتیاز و مدیر مسئول حسن کاظم

ملت عثمانیہ۔ امت اسلامیہ ایچون مفید اولان آثار
صحیفہ لر منر آجبقدر درج ایدلمیان اوراق اعاده ایدلر۔

ادارہ خانہ — استانبول باب عالی جوارندہ
ابوالسمود جادہ سی نوسرود ۷۰ صاحب مراجعاتہ
مرساعت آجبقدر

جریان صوفیہ

شمذیلک هفته ده بر نشر اولنور

سر محرری : مصطفی فوزی

تاریخ تاسیسی ۱۳۲۷ سنہ ہجری

بہنہ ک اعتباریلہ ممالک شامانہ ایچون پشین
اولہرق ۴۰ الی آیلنی ۲۰ غروش و ممالک
اجیبہ ایچون ۱۰ فرانقدر .

نومرو ۱۳۳

تصوفی ، دینی ، اخلاقی ، ادبی ، سیاسی جریدہ اسلامیہ در

نسخہ سی ۱ غروشدر

نجم فیضند حاصل هر ورق فرمان اولور !
عقل ادراك ایجابنر حشر و نشر انکار ایدرا
بی محابا اول ورقدن بجه بر درمان اولور :
کفتکوسی ضیف ایماندر اگا شودر جواب :
(بمث بعدالموت) • باهر شاهدیم قرآن اولور .
کائناته بر نظیر قیل ، دقت والصاف ایله
قدرت وذات الله هر بری برهان اولور !
فکر والظارک قصیرسه نفسکی تشریح ایله
کورکه آتده بجه حکمت وار سکا پنهان اولور !
حلیما ! سن هر نه دیرسه ک کوشنه ایتمز دخول
هم هدایت اولما بجه عاقبت خسران اولور :
اول هدایت ، که طلبکاره ویرر دستین همان
دنیا وعقباده فیضندن هرایش آسان اولور .
عکسینی اثبات ایدن چیقسون بگا ویرسون جواب
ضبط ایدر سه جسم وجام یولنه قریان اولور
برجدالدکه بومبحث مغلوبی برهاد ایدر
امداد اولمازسه نهایت طعنه نیران اولور .
توبه کارلقدر بوامداد همت مرشده قوش
کبر نفسی قیرمیانلر دوزخه مهمان اولور .
بن ایئاندم برلکنه (قل هو الله احد)
نور وحدتدن نصیبسز غرقه کفران اولور !

سیواس : مصطفی حلی

مهمال مجتبی در مصحف قرآن عشق
درس عشق آوردن آلمشدرده عاشقنر بتون
ایلمشدر کشور معناده هب اعلان عشق
یارسولاه کتاب حسنک سرنامهی
بای بسم اه سردیاجه رحمان عشق
نوروجهک آتیی ، صورنظهور کبریا
بوسیله ایشته اولدم بنده برقریان عشق
ست عشقکدن آسان هر برنسیم معنوی
نفر ایدر پوی الهی شمه رحمان عشق
ایشته اوکشمه لاهوتیانهدرکه : بن
بویله بربرسده لکله اولمهم حیران عشق
ایشته او ریحانه کازار حسنکدرکه . او
عبدفانی عشق با ککله اولور حسان عشق
بالای شو رشیدک یازدینی عشقنامه بی
ایله منتور ولایت ، زیده فرمان عشق
هم بوفوزی بنده کی آل حجره عشاقه
مجلس عشقه قبول اینسون بی اخوان عشق

اسماء حنی شرحی
مترجمی
باندرمه لی احمدحلی

اسلام اخلاقی
محرری
حضرت امام غزالی

اجتماعیات

آلی اصلا قیاس ایدم بین بر شخص فرض ایتسه که اوکاده ناری
اکلادمیز اگر آلی قیاس ایدم بیلسه ایدی اوقیاس ایتدیگی شیدن دها
شدیداو لان شی ناردردیه تشبیه صورتیله اکلا دیریز .
کذلک بو آدم لذتلدن برنی اکلامش اولسه جز اوکا جنی طعام
وقاع ومنظوه کی بیلدیگی لذتلهک الیوکنه تشبیه طریقله اکلا دیریز .
اگر جنتده بولتلهه مخالف برلقت وار ایسه ایشته اونی اکلا تمک بولی
یوقدر انحق بوبیلدیگی لذتله تشبیه طریقله ممکن اوله بیلیر .
نته کیم وقاعک لذتی شکرک لذتیه تشبیهه بو ذکر ایدلای . حالبوکه
جنتک لذتی دنیاسده بیلدیگمز لذتلدن . وقاع وشکرک لذتندن جوق
اوزا قدر . حتی بوخصوصده سوزوک دوعروسو : « کوز کورمه مش ،
قولا ق ایشتمه مش وکیمسه نک خاطرینه کلامش لذتله » دیمکدر .
اگر جنی اطعمه ایله تمثیل ایتک لازم کلیرسه : « بونکله برابر بو
اطعمه کی دکلدر » دیریز . اگر جنی وقاع ایله تمثیل ایدرسه که اوله
دنیا ده کی وقاع کی دکل » دیریز .
بو تقدیرچه بزم : « اهل ارض وسمایه معرفه الله حاصل اولمز
آنحق اسماء وصفات الهیه به معرفت حاصل اولور » دیدیکیمزه فصل تعجب
اولور . حتی بز دها ایلر یسنه کیدرده اهل ارض وسماجتندن ده برشی
اکلا به منزل انحق اسماء وصفات ایله آکلار وحق انسانک بالکنر اسمی
وصفتی ایشیدوب داندینی ، ادراک ایتدیگی ، حقیقته واصل ومتصف
اولمیدینی هرشی ده بویله در .

سواء مرتبیل طرفندن بیلری کچن نسخه مرده پاکش ترتیب ایدلش
اولدیندن بتکرار تصحیحاً قویلمه مجبوری حاصل اولش اولغله مع الاعتذار
قارنلر شکر عفوینی نمی ایلرز .

ادب محترم رشیدفانی بک افندی به

جلوه زار وجه مولادر دل عرفان عشق
ذات حقه متبیدر غایه ایمان عشق
احدیت (کنت کذا) سربک افشاسیدر
ملک (اوادنا) ی حقده ، مصطفی سلطان عشق
حبذاتی خداده علت غایه در

حضرت محبوب خلونخانه سبحان عشق
آلدی عاشق آیت (اناعرضا) دن مقدم درسی
اورده عشق اصطفاینده در همان عشق
عشق احمد عشق حقد سینه عشاقده

سیاسی

لوید جورج و روسیه

انگلتره باش و کیلی لوید جورجك ایراد ایلدیکی یکی بر نطقده
ايتلانك انگلیز نقطه نظرندن شرائط صلحیه سی تمداد ایتدکن
بشقر روسیه دن، روسیه نك صلح منفرد عقد ایتمسی ایستهمسی طولانیسیله
حاصل اولان و آتیده حصول بوله جنی کندنجه تخمین اولنان وضعیندن
اوزون اوزادی به بحث ایدیور .

لوید جورج صربستانی مدافعه ایچون حربیه کیرن روسیه نك
فرانسه و انگلتره بی محاربه به سور و کاه دیکنی سویلدکن و بو سورته
حربه سوق ایتدیکی دولترله محاربه و مناسبته بولمق سزین دشمن ایله
منفرد مذاکرات اجرا ایلکده اولدیقندن بحث ایلدکن سوکره المانیانك
روسیه حقنده کی نیات و آمالی حقنده بیاناتده بولنیور .

مجرد روس افکار عمومی غیالی اغفال مقصدیله سویلنان بوسوزلرک
خلاصه سی روسیه نك آتیا بر آلمان اسارتده دوچار اوله جنی مسئله سیدر،
روسلره قارشی بونی بیانی متعاقب بزکندیلرینه سوکنه قدر مظاهرت
و معاونت ایتک ایستهرز فرانس، ایتالیا و دیگر متفقلر ده موقراسیسی ده
یکی روس ده موقراسیسی ایله سوکنه قدر بان یانه مجادله ایتمسی کندیلر
ایچون بر شرف بیلیرلر، اجمه سیله روسیه به وعد مظاهرت و معاونتده
بولنیور .

انگلتره نك وعدلری ایله فعلی آراسینده کی فرقی بیلمدك کسه
قالا مشدر. انگلیزلرک بوگون کندیلری لسته قیسه برجه به آمریقانك
مظاهرت و معاونت عسکریه سنه انتظار ایتمکده و امید باغلامقده اولدقلری
صرده بالطق دکزدن قره دکزه قدر واسع برجه به حرب ایدمه جک
اولان روسیه به وعد مظاهرت و معاونت ایتلری شمیدی به قدر اولان
بر جوق وعدلری جیسندن اولدیقن روس زمامدارانی و حتی بتون
روس ملتی پک کوزل بیلیر و اکلارلر .

بناه عله (لوید جورج) بویلمقده روس افکار عمومی اغفال
موفق اوله مار .

سلیمان توفیق

بو تقدیرجه: عارفینك الله تعالی بی معرفتک نتیجه سی نه در دینیرسه
« عارفینك معرفتک سوکی معرفتدن عاجز لیدر. » ذیه جواب ویریلیر.
عارفینك حقیقت الهییه معرفتلی الله تعالی بی بیله مملیدر. فی الواقع
عارفین حقیقت الهییه آیتله بیله منزل . چونکه الله تعالی حضرتلری
صفات ربوبیه نك کنه سی ایله محیط اولان حقیقتیله بیلک مستحیلدر.
بونی آنحق الله تعالی بیلیر .

ایسته عارفینه بو حقیقت ذکر ایتدیکنز کی انکشاف برهانی ایله
انکشاف ایدنجه عارفین الله تعالی بی مخلوق ایچون ممکن اولان معرفتک
اک صوک مرتبه واصل اولان بر معرفتله بیلش اولورلر. بو معرفت
ابا بکر صدیق حضرتلری: العجز عن درک الادراک ادراک، قولیله
اشارت بیور مشدر که معناسی: (الله تعالی بی اکلانمی اکلانمقدن عاجز
اکلامقدر) دیمکدر .

حق سید البشر صلوات الله تعالی علیه و سلامه حضرتلری: « لا احصى
نشاء علیک انت کما اثبت علی نفسک، » حدیث شریفیله بونی ملاد
بیوردی .

حضرت پیغمبرک بوندن مرادی لسانک سویله مکه مقتدر اولمادی
بر شی بیلیم دیمک دکدر بلکه بو حدیث شریفک معناسی: [بن سنک
مدح و صفات الهیه کی احاطه ایدمه اولنری آنحق بالکز سن محیطک
دیمکدر که بو تقدیرجه هیچ بر مخلوق الله تعالی حضرتلری نك ذات حقیقتی
حیرت و دهشت ایله ملاحظه خطا ایتز اما معرفتی آرتیرمق، ککیشتمک
بو آنحق اسما و صفات الهیه بی معرفت ایله اولور .

پک اعلا الله تعالی بی معرفت تصور اولونمجه ملائکه، انبیاء
اولیانك الله تعالی بی معرفتده درجه لری نه دن نشأت ایدیور دینیرسه
شویله جواب ویریلیر:

بیلورسک که معرفتک ایکی یولی وارد بری حقیقی یول که بو الله
تعالیدن غیریسه مسدوددر. مخلوقانن هیچ بری الله تعالی بی بویلدن
بیلیم دیه من اکر بوکایله نیرسه سبحات جلالیه اونی حیزه زایددر .
و هیچ بر کیمسه بو طریق ایله ملاحظه ای اشرا ایدمه مز ایدرسه
دهشت اونک کوزونی بورور. اما ایکنجی یول که اسما و صفاتی معرفتدر
بویول هرکس ایچون آچیقدر و بویولده هرکسک درجه سی متفاوتدر
بنام علیه الله تعالی بی عالم قادر بیلن کیمسه، الله تعالی نك آیات الهیه نك
ملکوت سماوات وارضه عجائبی و ارواح و اجسادک خلقی مشاهده
و مملکتک بذایمه و غرائب صنعتیه تفصیلاته دقت ایدرک و حکمتک دقایقی
ایجه له برک و تدبیر امورک لطائفی آله رق و الله تعالی به تقریه سبب
اوله حق جمیع صفات الهیه ایله متصف اوله رق و بوضافات الهیه به
کندیلرله اصاف سورنیه نائیلته مطلع اولان کیمسه کی دکدر . بو
ایکینک آراشنده پک بیوک مسافه واردر که عادتا حساب کلز بونک
تفصیل و انبیا و اولیانك تفاوتنک مقداری ده بویله صابی به کلز .